

Arneuv dij Vot ëd Soperga

Piemont Savoya Nissa Festa Nassional

Ij 7 dè Stèmber a l'é la Festa nassional ëd j'Éstat ëd Savòja, ël di dla Vitòria dël 1706, ch'a corëspond a col ëd la liberassion ëd la capital dal longh assedi franco-spagneul. La croa 'd Turin a l'avria vorsù di la fin ëd l'Éstat. La Vitòria, nopà, a l'avìa marcà l'arconchista 'd Savòja, Susa, Vërsèj, Civass, Ivreja e Nissa e la conchista definitiva 'd Lissandria, Valsesia, Monfrà, Lomlin-a e, peui, ëd Noara, Torton-a, Faldàu

Imperiaj, donca Òssola, Vigéven, Oltrapò e Beubi, oltre che la promossion dël Ducat an Regn.

A l'é 'l «grand assedi», col dël sacrifici 'd Pero Mica e 'd vaire àutri eròe, òm, fomne e fiolin senza 'n nòm. Na vicenda épica, marcà da 'd segn maravijos ant ël cél, da l'aparission ëd la Beata Vergin-a Maria a Mare Maria dj'Àngej e da soa ampromëssa che Turin a sarìa liberasse (s'a fussa consacrass a Chila) dnans ëd la festa gròssa 'd Soa Natività, j'8 dè Stèmber. L'assedi dj'8.000 bombe al di ch'a drocavo an sla sità, e dël Beat Bastian Valfré ch'a disìa messa an piassa San Carl, andova antra ij pòrti e la sternia a s'arcovravo ij ferì.

A l'é «bataja 'd Turin», precedua dal Vot badial dël duca 'd Savòja Vitòrio Amedé II e 'd sò cusin ël Prinsi Eugeni, comandant ëd l'armeja imperial, an sël Brich ëd Soperga dnans a la mistà dla Madòna. L'onor ëd na basilica majestosa për la grassia dla liberassion.

E peui, a l'amprovista la garisauta austro-piemontèisa a l'alba dij 7 Stèmber, con j'assedià ch'a seurto da 'n Turin e a tacco j'assediand, antan che la gent a frando le pere da 'nsima ij cop ëd le ca. A tre bòt l'inimis a l'é an dërota, antan che an Dòm as canta 'l Te Deum e tute le ciòche a baudëtto.

Saba 7 dè stèmber 2013



19,54
(al calé
dël sol)

**UN LUMIN PÈR LA VRITÀ, PÈR LA
LIBÈRTÀ E PÈR LA PAS**

I esponoma tùit un lumin avisch fòra dle fneste 'd nòste ca, parèj ëd com a l'é fasse për trèi sécoj. Chi ch'a 'l l'ha a peul espon-e 'l Drapò piemontèis, savojengh, nissard. Un segn d'umiltà e d'orgheuj ansema, e 'dcò l'adesion a l'anvit dël Papa a pro dla pas.

20,00

Sirimònia dël viscagi dij lumin e dl'esposission dij Drapò

Turin, Cavalariassa Real
Circolo Beni Demaniali (via Verdi 9)
Sin-a € 14,00

Sin-a piemontèisa arvivà da la mùsica d'
Ij Taròch. Arzervassion obligatòria

Dumìnica 8 dè Stèmber 2013



9,00

Chi ch'a l'ha piassì 'd monté a Soperga con la *Dentera* (original dël 1884) a peul pijé 'l trenin an montand a la stassion ëd Sassi.

Le corse për calé a parto minca n'ora.

Pressi andé/torné € 9,00 (gnun-a agevolassion da la Comun-a); a gràtis për j'invàlid e le masnà sota ij ses agn.




10,00

**Randevó a 10 ore giuste dnans a la
colonada dla Basilica 'd Soperga**

La ristrutturassion dl'è spiassal a l'ha limità ij pòst për le viture.

I consijoma 'd rivé un pò an vantage.

Banchet d'anformassion e vèndita 'd material



10,30

Esecussion ëd j'Imn sot al Labroch

Micol Barra a la fluta
e Giusep Locatto al violin



11,00

Sant Rosare an piemontèis ant la Capela dël Vot, dnans a la mistà original ëd la Beata Vèrgin Maria



11,30

Santa Mëssa dla Natività dla Beata Vèrgin Maria
Festa titolar ëd la Basilica

Còro arvivà dal mezzo-soprano Anna Maria Gandolfo, solista dël Còro ARCAL RAI ëd Turin




Arneuv dij Vot ëd Soperga



12,30

Dëscors e esecussion ëd la *Marche de Savoye*, Imn nassional ëd j'Ëstat ëd Savòja

A la surtià dla Mëssa, dnans a la colonada dla Basilica



13,00


Marenda an sij pra

Mincadun as pòrta da mangé e as fà la tradissiona *Madòna dla Marenda*.

opurament


Disné piemontèis a l'òsto dla Basilica

Arzervassion obligatòria
€ 20,00 pèr pèrson-a



da 3 bòt a 6 ore

Apress mesdi con la mùsica piemontèisa.
Con noi *Esprit Follet*
La Bela Rosin e soa gent
Ij Bogianen




15,45

Visita a la Cripta Real ëd la Ca 'd Savòja

An piemontèis, trad. an fransèis (€ 3,50 aprum)

Arzervassion obligatòria (grup ëd 45 pèrson-e)



16,30

Visita a la placa comemorativa dël Gran Turin

Montà an sla cùpola (m 75)

Per comunicassion, propòste, anformassion e arzervassion:
giovpem@yahoo.it | 339 2100604 | 011 7640228 | 328 1292172
www.gioventurapiemontèisa.net

